

1

De l'imprimerie de QUILLAU, rue Galande, à l'Annonciation, 1740.

# D E C R E T U M

A

SALUBERRIMÂ FACULTATE PARISIEN SI

Latum die Mercurii decimo - nono  
mensis Octobris anni 1740.

*De Jubilæo Examine.*

**A**NNO Domini suprâ millesimum septingentesimo quadregesimo, die Martis, decimâ octavâ mensis Octobris, Divo Luca Medicorum Patrono dicatâ, post Sacrum solita sunt habita comitia, in quibus actum est præsertim de componendâ lite, quæ circa Jubilæum examen Candidatis aperiendum, jam ab aliquot diebus, inter Magistros movebatur.

Auditis hinc & inde variis controversiæ dirimendæ modis, totum id negotii traditum fuit conficiendum Magistro Ludovico Claudio Bourdelin Antiquo Facultatis Decano & Academiæ Censori, qui tanquam relligiosus interpres, verissimam Doctorum præsentium sententiam, in tabulas præscriptam, Facultati postridiè referret.

Die igitur Mercurii, Decimo-nono mensis ejusdem & anni. Cùm ex solemnî more, per juramentum, Doctores quàm frequentissimi Sacro pro defunctis



Magistris interfuissent, statim à Sacro in Scholas Superiores secesserunt, ubi audito Magistro Ludovico Claudio Bourdelin in sua relatione super componendâ lite ipsi pridie delegata, statuerunt pacis & concordiae monumentum subsequens, à dicto Magistro Bourdelin concinnatum, posteris ac nepotibus mandandum esse atque consecrandum.

**D**E aperiendo præteritis Remigialibus, Sylvestri Le Moyne in gratiam Jubilæo actum fuit variis quatuor in Facultatis Saluberrimæ Comitibus. Quod scilicet Examen die Mercurii vigesimo-octavo Septembris generalibus quidem, sed ad id tamen negotii non convocatis Comitibus, Facultas denegaverat, illud in sequentibus duobus, & hac de re habitis Comitibus Doctorum præsentium pars major, non dicto Le Moyne tantum, sed & aliorum insuper Candidatorum supplicationi censuerat esse concedendum; intercedentibus tamen, intercessionisque suæ actum postulantis, cum Clarissimo viro Magistro Hyacintho Theodoro Baron, Antiquo Facultatis Decano, octo aliis Doctoribus.

Nec, Bifariam sic divisâ Facultate, deerant utrique parti rationum momenta, quibus suam quisque sententiam deffenderet. Asserebant scilicet qui stabant pro aperiendo Examine, Magistrorum filios omni favore excipiendos esse, apertumque pluries Jubilæum, aliis Candidatis quos fors obtulisset, licet Magistrorum non filiis, sic indulgente Facultate saluberrimâ, non rarò patuisse.

Parte aliâ Statutorum Facultatis articulo undecimo, & Decreto die septimo mensis Augusti anni 1718, Decano Magistro Amando Douté lato, Supremique Senatûs autoritate munito, freti reclamantes, nullum, nisi Magistri filium ad Jubilæi Examen admitti aut debere, aut posse contendebant. Qui ut Statutis Decretoque Saluberrimi Ordinis suus tenor remaneret, impetratum à se Supremi Senatûs consultum, quo cavetur, ne, excepto Sylvestro Le Moyne, ulli Candidato supplicandi copia fiat, Magistro Urbano Leaulté, Facultatis Decano, curaverunt denunciari.

Hujus Senatûs consulti auditâ, in Comitiiis, die Lunæ decimo-septimo Octobris anni 1740 Lectione, non modo non detumuit sed violentiùs deserviit tempestas, quæ Facultatem à pluribus diebus huc illucque versatam malè habebat, novâque novo huic Senatûs consulto, ab aperiendi Jubilæi assertoribus factâ intercessione, facultatem in Jus Facultas dubio procul rapuisset, nisi, quam strenuè in asserendis Statutis se gesserunt reclamantes, iidem nonnullorum moti Collegarum votis atque precibus, tam humanè etiam, tam piè, à suâ intercessione abeundo, Saluberrimi Ordinis paci atque concordia, matrisque optimæ tranquillitati consultum voluissent; ut igitur pari tumultui similique dissensionis omnis deinceps ansa rescindatur.

Censet Facultas admittendos quidem esse ad Jubilæum cum Sylvestro Le Moyne, quotquot se offerunt Candidatos, eâ tamen lege, ut ne hæc Saluber-

4

rimi Ordinis indulgentia trahatur in exemplum, nec ad illud idem Examen, cum Magistrorum filiis ullus posthac extraneus, nisi Doctorum præsentium reclamante nemine, admittatur.

- Censuit insuper Ordo Saluberrimus præsens Decretum Commentariis Facultatis inscribendum esse, Typis mandandum, singulisque Doctoribus distribuendum. Et sic cum Facultate conclusit LEAULTE', Antiquior Scholæ Magister, Decanus.

*Datum in Scholis Superioribus Medicorum Parisensium,  
die Mercurii decimo-nono Octobris 1740.*